



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 2. Vtrum obligentur confiteri per scripturam interpretem, aut nutus  
quando aliter non possumus.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

252 Quæst. 9. De Qualitate Confessionis. Art. 3. D. 2. A. 4. D.

sicque absolu. Sine causa tamen admitti non posse, quia generalis Ecclesiæ confuetudo vim legis habens, est, ut voce fiat; ut res ipsa declarat, & docet D. Thomas Quodlibeto I. art. 10.

De Interpretate omnes fatentur.

DVBIVM II.

Vtrum obligemur confiteri per scripturam, interpretarem, aut natus, quando aliter non possumus?

**R**espondeo & Dico Primò: Ex vi præcepti confessionis nemo tenetur confiteri per interpretarem. Est communior sententia Doctorum: Richardi, Paludani, Scoti, dist. 17. Caietani Verbo Confessio condit. 11. Ratio est: quia Dominus non obligauit nos, nisi ad confitendum secretò coram solo Sacerdote: ut colligi potest ex Trident. sess. 14. cap. 5. vbi dicit, Confessionem publican non esse præceptam à Domino, sed tantum eam quæ fit soli Sacerdoti. Contrarium enim nimis grauonus, & humanæ fragilitati minimè accommodatum fuisset. Confirmatur: quia non obligamur confiteri, quando periculum est, ne Sacerdos alteri reuelet confessionem.

**E**xcipte casum.  
Non teneat confiteri per interpretarem, ant natus, quando aliter non possumus?

Dixi, Ex vi præcepti confessionis: nam ex præcepto charitatis sui & Dei, possumus ad id obligari; nepe in periculo mortis; præsertim, quando dubitamus vtrum legitimam habemus contritionem.

**D**ico Secundò: Verius est mutum, qui non potest confiteri, nisi scripto, præcepto confessionis obligari ad sic confitendum. Ita Petrus Soto lect. 11. Maior dist. 17. & insinuat Caietanus loco citato, etiam obicurè loquatur. Probatur: Quia sic potest fieri confessio sine notabili incômodo: ergo ex præcepto debet fieri: nam præcepto confessionis non præcipitur ut fiat voce, sed ut fiat eo modo, quo commodè fieri potest. Neq; periculum est, ne Sacerdos abutatur illo scripto, aut nolit restituere scriptum. (quod yrget Dominicus Soto) quia non est ratio, cur id potius faciat, quam cur alias non reuelet, dum voce confitemur. Vnde sicut tunc ei confidimus, ita etiam confidere debemus, dum scripto confitemur.

Contraria tamen sententia non est improbabilis, quam tenet Dominicus Soto, Ioannes Medina, & Nauarrus.

ARTICVLVS IV.

**H**oc Articulo agitur de conditionibus confessionis, quæ sunt sedecim, comprehensæ his quatuor vericulis è D. Thoma descriptis: quos etiam prosequitur Nauarrus in Cap. *Fratres de Pœnitentia* dist. 5. à num. 1. usque ad 106.

Sit simplex, humilis confessio, pura, fidelis,  
Atque frequens, nuda, discreta, libens, verecunda,

Integra, secreta, lacrymabilis, accelerata,  
Fortis & accusans, & sit parere parata.  
Circa cōditionem Fidelitatis, videlicet ut confessio sit fidelis seu verax, est

DVBIVM.

Vtrum omne mendacium in confessione sit peccatum mortiferum?

**C**aietanus Verbo Confessio conditione 4. affirmat, præsertim quando quis mentitur contra propositum, quod autem habuit, confitendi illius peccati. Probatur Primò: Quia D. Thomas 2. 2. quæst. 69. art. 1. dicit mentiri in iudicio, esse peccatum mortale: atqui iudicium hoc Sacramentale est dignissimum: ergo &c. Secundò: Quia facit materiam Sacramenti falsam; quod est sacrilegium.

Respondeo & Dico Primò: Mentiri in re gradu, est peccatum mortiferum: vt, si quis accusat Dittingus vel negat peccatum mortiferum, quod non erat res gradu, accusandum vel negandum.

Dico Secundò: Mentiri de re leui in confessione, est solum peccatum veniale. Ita Nauarrus uis, in Capitulo *Fratres num. 15.* & sequentibus. Sotus dist. 18. quæst. 2. art. 4. & alij. Ratio est, quia hoc mendacium nec est contra integratatem confessionis, cum peccatum veniale non sit materia necessaria: nec est contra effectum confessionis, quia atritio de peccatis mortiferis, quæ sufficit ad obtinendum effectum in hoc Sacramento, potest consistere cum peccato veniali: nec est contra veritatem formæ, quia in forma non dicitur, Absoluo te ab his peccatis, sed à tuis peccatis; neque demonstrat materiam, sed eam vagè significat. Secundù est de formâ confectionis, quæ demonstrat materiam, cum dicitur *Hoc est Corpus meum*, quæ falsa redditur, si vel una hostia chartacea ponatur inter hostias veras; falsa (inquit) quo ad illam chartaceam: vnde peccatum mortiferum esset veris hostijs immiscere unam falsam, non tamen est mortiferum veris peccatis in confessione immiscere unum falsum.

Dico Tertiò: Si quis ita confiteretur, ut totam confessionem faceret mendacem, peccaret mortifer, etiamsi solum venialis confiteretur. Ratio est: quia irritum reddit totum illud iudicium Sacramentale: nam ubi non est vera confessio, ibi non est vera absolutio.

Ad priorem rationem in contrarium suprà al latam: Respondeo, Etsi mendacium in iudicio fit mortiferum, quando est contra iuramentum, vel in notabile damnum alterius; id tamen alias Caietani, non est mortiferum.

Ad secundam: Non facit totam materiam falsam: suppono enim illum alia verè confiteri: sed solum particulam quandam materiæ non necessariæ falsam facit, quod non vitiat totam confessionem.

QVÆSTIO X.

De Effectibus Confessionis.

Vide D. Thomam, nihil enim huc dicendum præter ea, quæ suprà dicta sunt de Pœnitentia, & de Contritione.

QVÆ-